



Palle Christiansen, Demokraatit  
-/maani

Uuliap akii pillugit § 37 naapertorlugu apeqqummut akissut

Asasara Palle Christiansen,

Apeqqtigisannut tullerriiarlugit akineqartunut qujanaq. Apeqqutit 1-ip aamma 2-p akineqarnerannut KNI A/S Polaroilimit (Polaroil) paasissutissiissutigineqartut tunngavigineqarput.

26-06-2013  
Suliap normua. 2013-085308  
Allakkap normua 1257385


Postboks 1160  
Oqa: 34 50 00  
Fax: 34 55 05  
3900 Nuuk  
Email: pan@nanoq.gl  
www.nanoq.gl

**1. Ukiup affaata kingulliup ingerlanerani nunarsuarmi uuliap akia appariatorsimagaluartoq nunatsinni uuliap akiata 7. juni 2013 aallernerfigalugu 0,26 koruuninik qaffannissaanut suut tunngaviussanersut Naalakkersuisut saqqummiussinnaavaat?**

Uuliamut akuiarneqanngitsumut agguaqatigiissillugu pisiarineqarnerani akia 2012-imi uuliamut nappartamut 89-90 USD-iniit 2013-imi nappartamut 96-97 USD-inut qaffariarpoq. Taanna 7 %-init annertunerusumik qaffariaatitut annertussuseqarpoq. Assersuutigalugu 7. juni taamaallaat 4 %-inik qaffariaritsilluni akinut iluarsiissuteqartoqarpoq.

Ilumoorpoq, uuliap akuiarneqanngitsup nunarsuarmi niuerfinni akia appariatorsimammat qaammammilu kingullermi akia nappartamut 5 USD-it missaannik appariarsimalluni. Taamaakkaluartoq ullormi aalajangersimasumi akit aallaavigalugit akit allanngoriartornerat qanorpiaq innersoq takuneqarsinnaasangilaq.

Piffissaq ingerlareersoq tamakkerlugu Danmarkimi tunisassiat akii qiviraanni takuneqarsinnaavoq, benzinap literimut agguaqatigiissillugu akia piffissaq tamakkerlugu uuttoraanni Kalaallit Nunaanni atuisunut akigititaasunit 36 ørinik akisunerusimasoq, tassa akia akitsuutaajaraanni, takussutissaq kinguliiniittoq takuuk:



Danskit akigititaasa nunarsuarmi niuerfinni akit malitarigaat Polaroil qularnaveeqquseeriaaseqarnermigut akinik aalajaatsuutisisinnaasimavoq. Taamaakkaluartoq Kalaallit Nunaanni ikummatissat akiisa allanngoriartornerat nunarsuarmi niuerfinni akinit immikkoortisimaniartuarneqarsinnaanngilaq.

Uuliamut atuisunut akigititaasut imminnut sanilliukkaanni aammattaaq eqqaamaneqartariaqarpoq, Danmarkimi agguaaassisarfiit ataasiakkaat Polaroilitulli assartuinnermut/agguaassinermut tunngatillugu unammilligassaqaqanngimmata pissutsillumi taamaannerat akinut soorunalimi sunniuteqartarluni. Tamakku saniatigut Polaroilip akigititaanut qaammatini uuliamik eqqussiffiini agguaqatigiissillugu akigitinneqartut apeqqutaasarput. Taamaammat qaammammi aalajangersimasumi nunarsuarmi niuerfinni akit allanngoriartornerisa Polaroilillu akigititaasa akornanni toqqaannartumik ataqatigiittoqanngilaq. Kiisalu Polaroilip pisiniarfisartakkaminut akiliisarneranut atugassarititaasut aammattaaq pisinermi akinut pingaaruteqarput.

Taamaalliluni pissutsit arlaqarput, Danmarkimi akit allanngoriartornerisa Kalaallit Nunaanni akit allanngoriartornerannut toqqaannartumik nuunneqarsinnaannginneranut pissutaasartut.

**2. Ulloq 1. juli 2012 aallarnerfigalugu qularnaveeqqutit suut (uulia akuiaagaanngitsoq, uuliamik akuiaavinni akit tunngavii aamma aningaasat) KNI-p pigisimavai aamma suut qularnaveeqqutit KNI-p ullumerpiaq pigai. Qularnaveeqqutit suuppat pisinerup nalaani aamma tunisinerup nalaani?**

**a) Tunisinerup nalaani qularnaveeqqutit eqqarsaatigalugit; taakku qanoq KNI A/S-mi bogførerneqarpat aamma tunisisoqassappat, tunisinermi iluanaarutaasusaaq atuisunut iluaqusiissava?**

Polaroil unammilleqatigiinnermut tunngasunik pissuteqartumik ingerlatseqatigiiffiup uuliamut aningaasallu nalinginut qularnaveeqqusiussanik pisiortortarneranut tunisinarneranullu paasissutissat sukumiisut tamanut saqqummiunneqarnissaannik kissaateqanngilaq.

Ingerlatseqatigiiffik paasissutissiivoq uuliamik akuiarneqanngitsumut, uuliamillu akuiaaviit qanoq ittuunissaannut nunallu allat akiliutigisartagaannut qulakkeerinnissutinik ingerlaavartumik pisisarluni. Ukiut ingerlanerini ingerlatseqatigiiffiup qularnaveeqquseeriaatsit assigiinngitsut pissutsit atuuttut aallaavigalugit piffissanilu aalajangersimasuni akit allanngoriartornissaannik ilimagineqartut atorniartarpai.

Ukiuni kingullerni pingasuni qularnaveequsiinerit 153 millioner koruuninik naleqarsimapput. Ingerlatseqatigiiffik qularnaveeqqusiisimangitsuppat 2010-mi atuisunut akigititat literimut 25 ørenik, 2011-mi 26 ørenik 2012-imilu 50 ørenik qaffasinnerusimassagalarput. Taamaallorneq taamaalliluni pisisartunut iluaqutaasimavoq.

**3. Naalackersuisut sunik iliuseqarniarpat qulakkeerumallugu KNI A/S-p qularnaveeqqutit atorlugit iluanaarniararluni pilersarusiortarnerata iluanaarniarneratalu inuiaqatigiinnut toqqissisimanartumik pisarnissaa?**

Namminersorlutik Oqartussat Polaroilillu 2012-imiit 2016-imut ikummatissanik pilersuineq pillugu sullissinissamik isumaqatigiissutaata akeqartitseriaaseq akinut aqutsissutaasoq imaraat. Kisianni Polaroilip nammineq aalajangigassaraa ikummatissanik pisiortornermut atatillugu Polaroil sunik ilioriuseqartassanersoq.

Polaroilip akinut isumannaallisaatinik atuinerata maannamut ikummatissat akii aalajaatsut qulakkeerpai. Taamaammatt Naalakkersuisut tatigaat ingerlatseqatigiiffiup siunissami ikummatissat akii appassisuutinniartarumaarmagittaaq. Kisianni soorunalimi Naalakkersuisut allanngorannerit malinnaavigeqqissaartassavaat.

Neriuppunga, siulliniittutigut apeqqutigisatit akissuteqarfigisimassallugit.

Inussiarnersumik inuulluaqqusillunga

Med venlig hilsen



Steen Lyng